



Malik Berthelsen, Sisimiut
Inatsisartuni ilaasortaq
/Maani

§ 37 naapertorlugu apeqqummut akissut: Sisimiuni nukimmik pilersuineq

Asasara Malik Berthelsen

Apeqqtinnut qujanaq. Taakku ataasiakkaarlugit matuma kinguliani akissuteqarfigaakka:

Sisimiuni innuttaasut innaallagissap akianik qaffasinnerpaamik piffissami qanoq sivistigisumi akiliisarnissartik naatsorsuutigissavaat?

Sisimiuni innaallagissamut akit ukiup tulliani (2012) akit annerpaaffissaannik aningaasartuutiviusut tunngavigalugit akinut ikilineqariissasut naatsorsuutigineqartoq Nukissiorfinnit ilisimatitsissutigineqarpoq.

Sisimiormiut sarfamik atuinerat tunngavigalugu Sisimiuni erngup nukinganik innaallagissiorfik piffissami qanoq sivistigisumi imminut akilerniartussaava?

Erngup nukinganik innaallagissiorfiup sananeqarneranut atuisunut akit immikkoortunut marlunnut avinneqarsinnaapput:

1) Ernianut aningaasartuutit

Sanaartornermut atatillugu Nukissiorfiit Nunap Karsianut taarsigassarsipput, taakkunungalu ernianut Nukissiorfiit akiliisarput. Taarsigassarsiat taakku ukiut 20-t ingerlanerini akilersorneqassapput.

Ilassutigalugu oqaatigineqarsinnaavoq, ernianut aningaasartuutit illoqarfinni nunaqarfinnilu atuisunit tamanit agguarneqartussaammata. Nukissiorfiit ernianut aningaasartuutaasa ilanngaasariikkat illoqarfinni imaluunniit nunaqarfinni sanaartugaatit tunngavigalugit illoqarfinnit nunaqarfinnillu tamanit agguarneqartarnerat tamatumunnga pissutaavoq.

2) Nalikilliliinerit

6. september 2011
Sagsnr. 2011-054398
Dok. Nr. 716660

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Ergup nukinganik innaallagissiorfimmu atattillugu nalikilliliisarnert sanaartukkat assigiinngitsut atasinnaassusissaattut naatsorsuutigisat tunngavigalugit aalajangerneqartarput, assersuutigalugu turbinit generatorillu ukunut 35-inut, kiisalu sakkortusaavinnut sulluliat ukunut 60-inut nalikillineqartarlutik.

Kommunit nukissiorfinnik namminneq pigisaqalernissaminut/pisinissaminut soqutiginnippata tamanna Inatsisitigut periarfissaqarnerluni?

Sisimiuni ergup nukinganik innaallagissiorfik Namminersorlutik Oqartussanit pigineqarpoq. Nukissiorfiit Namminersorlutik Oqartussat ilagaat innaallagissamik pilersuisuusooq, kisiannili Nukissiorfiit innaallagissamik tunisinissamut imaluunniit innaallagissamik pilersuiffimmik pigisaqarnissamut akuersissummik pigisaqanngillat.

Taamaattumik tunngaviummik Namminersorlutik Oqartussat ergup nukinganik innaallagissiorfimmik kommunimut tunisinissaminut inatsisitigut akornutissaqanngillat. Tunniussinermi Namminersorlutik Oqartussat pigisaanik nalilinnik allanik tunniussinermut maleruagassat assingi malinneqassapput.

Tunisinermili Nukissiorfinni nukissamik pilersuinermi tamarmiusumi pisariissuseq akornuserneqartussaavoq. Nuna tamakkerlugu pilersaarusiortarnerup aaqjissuusaaernerup ataatsip iluani ingerlanneqarnissaata siuarsarneqarnissaa ilaatigut siunertarineqartarmat. 1997-imi nunaqarfinni innaallagissamik pilersuinerup Nukissiorfinnut, taamani illoqarfinni nukimmik pilersuinermik isumagisaqareersumut katersorneqarnissaata aalajangiunneqarneranut tamanna ilaatigut aamma tunngavigineqarpoq.

Naggasiutigalugu ilisimatitsissutigineqarsinnaavoq, Sisimiuni ergup nukinganik innaallagissiorfiup sananeqarnera 480 mio. koruunit missaannik akeqarsimammat.

Inussiarnersumik inuulluaqqusillunga

Jens B. Frederiksen